

ԲԱԲԿԵՆ ՀԱՐՈՒԹՅՈՒՆՅԱՆ. Մեծ Հայքի վարչաքաղաքական բաժանման համակարգն ըստ «Աշխարհացոյց»-ի, մաս Ա (արևմտյան ու հարավային աշխարհներ). Երևան, Երևանի պետական համալսարանի հրատ., 2001, 402 էջ:

Հայաստանի սոցիալ-տնտեսական ու քաղաքական պատմության ընդարձակում ու նեղացում դիտական մեծ կարևորությունը ու քաղաքական նշանակությունը պայմանավորված հայազրիտությունն ի սկզբանե մեծ սեղ է տալիս Մեծ Հայքի վարչաքաղաքական համակարգի ուսումնասիրությանը: Դրա շնորհիվ Ղ. Ինճիճյանի, Ղ. Ալիշանի, Հ. Հյուբանյանի, Հ. Մարքվարթի, Ն. Ադոնցի, Հ. Տաշյանի, Ս. Երեմյանի, Թ. Հակոբյանի և այլ հետազոտողների ջանքերով այդ բնագավառում արձանագրվել են նշանակալից ձեռքբերումներ: Այդուհանդերձ, աղբյուրագիտական անբավարար հենքով, Հայազրիտության նախորդ շրջանի դարձացման մակարդակով և այլ գործոններով թեւադրված Հայաստանի վաղ ավատատիրություն շրջանի վարչաքաղաքական բաժանման համակարգի հետ կապված բազմաթիվ հարցեր կամ թեքի ու սխալ են լուսաբանվել կամ էլ չընդհանրվել, ուստի և նորովի ու սպառնիչ ուսումնասիրության կարիք են զգում: Այդ բացի էական լրացմանն է միտված գրախոսվող աշխատությունը, որը պարունակում է գիտությունների դոկտոր, պրոֆեսոր, Հայաստանի պատմական աշխարհագրության հեղինակավոր ու բեղուն հետազոտող Բ. Հարությունյանի երկար տարիների տեղաշարժ գիտական պրպտումների արդյունքն է:

Ներկայացվող ուսումնասիրությունն աշխատության առաջին մասն է և շարադրվել է հայկական և օտար բազմաթիվ ու բազմապիսի սկզբնաղբյուրների, ինչպես նաև տարաբնույթ ուսումնասիրությունների հիման վրա: Այն բաղկացած է ծավալուն ներածությունից և ութ գլուխներից, որոնք նվիրված են Մեծ Հայքի արևմտյան ու հարավային աշխարհներ Բարձր Հայքին, Ծովքին, Աղձնիքին, Տավրոսբերանին,

Մոկքին, Կորճայքին, Պարսկահայքին և Վասպուրականին:

Ներածության մեջ Բ. Հարությունյանը հիմնավորել է իր քննության առարկայի կարևորությունն ու փաստարկել Հայաստանի վարչաքաղաքական բաժանումների պատմության ուսումնասիրության արդիականությունը ոչ միայն հայագիտության, այլև՝ կովկասագիտության ու արևելագիտության համար առհասարակ: Ապա հեղինակն անդրադարձել է իր հետազոտության հիմքում ընկած սկզբնաղբյուրների համագիր քննությանն ու արժեքավորմանը: Ինչպես և պետք էր սպասել, նա հատկապես մեծ սեղ է հատկացրել Հայ պատմաաշխարհագրական մտքի բացառիկ հուշարձան «Աշխարհացոյց»-ին: Պատմաքննական հյուսվածքները Բ. Հարությունյանին բերել է այն համոզման, որ «Աշխարհացոյց»-ը թե ՎՄ, այլ՝ Վ դ. իրողություն է, որի մեջ հետագայում ներմուծվել են նաև VI-VII դդ. եղելություններ և որ նրա հեղինակը Անանիա Շիրակացին է, այլ Մովսես Խորենացին: Որ իրոք «Աշխարհացոյց»-ը պետք է թվագրել Վ գ., Բ. Հարությունյանին լիովին հաջողվել է ապացուցել, դրանով իսկ հարթելով Հայագիտության մեջ այդ կոթողի ստեղծման ժամանակի շուրջ երկար տարիներ շարունակվող սուր բանավեճը: Ինչ վերաբերում է նրա հեղինակային պատկանելության վերաբերյալ Բ. Հարությունյանի առաջադրած վարկածին, թե այն Մովսես Խորենացու ստեղծագործությունն է, ապա նա խոստացել է այդ խնդիրը հանգամանալից քննել աշխատության Բ մասում:

Բ. Հարությունյանը ծավալուն անդրադարձել է նաև Մեծ Հայքի վաղ ավատատիրության շրջանի վարչաքաղաքական համակարգին նվիրված դրականության վերլուծությանը: Նա հավուր պատշաճի ցույց

է տվել խնդրո առարկա հիմնահարցի հետազոտման ասպարեզում այլ հեղինակների ներդրած մեծ ավանդը և հարցի մշակվածությունն աստիճանը:

Բուն աշխատությունը, հետազոտություն շահերից ելնելով, ժամանակագրորեն ընդգրկում է սեպտեմբերյան շրջանից մինչև Մավրիկիոս կայսեր վարչական վերակառուցումներն ընդգրկող պատմաշրջանը: Պատմաաշխարհագրական բնույթ ունեցող համակողմանի քննության մեջ Բ. Հարությունյանն իրավացիորեն Մեծ Հայքի վարչաքաղաքական բաժանումը դիտարկել է ոչ թե որպես քարացած, այլ զարգացող ու փոփոխվող մարմին: Դրանից ելնելով, հեղինակը հիմնախնդրի հետազոտությունը կատարել է ժամանակի ու տարածության մեջ՝ հատկապես «Աշխարհացոյց»-ի և Պտղոմեոսի «Աշխարհագրություն» հաղորդումների համադրությամբ: Ընդ որում, ցանկացած հարցի քննության ընթացքում նա ոչ միայն բարեխղճորեն նշել է այլ հետազոտողների ավանդը, այլև բանավիճելիս ցուցաբերել է հարգանք ընդդիմախոսի նկատմամբ և գիտական բարձր կուլտուրա:

Սկզբնաղբյուրների, հատկապես՝ «Աշխարհացոյց»-ի, ընդարձակ ու համառոտ խմբագրությունների ձեռագրերի ընձեռած հնարավորությունների սահմաններում և հարցի շուրջ եղած դրականության համակողմանի ներառումով, հեղինակին հաջողվել է որակական նոր քայլ կատարել Մեծ Հայքի խնդրո առարկա ութ աշխարհների և դրանց բաղկացուցիչները կազմող գավառների մի առ մի տեղադրության ու սահմանների առավելադրյալ որոշակիացման ասպարեզում: Հեղինակը համեմատական քննության մեթոդով մեծ աշխատանք է կատարել նաև գավառացանկերի ներքին օրինաչափությունների վերլուծության, ինչպես և գավառների քանակի ու անունների ուղիղ ձևերի ճշտման հարցում: Բացի այդ, անխտիր տվել է բոլոր գավառանունների տարրնթերցումները և քննել դրանք:

Բ. Հարությունյանը բազմաթիվ սկզբնաղբյուրների օգտագործմամբ հանգամանորեն անդրադարձել է քննված աշխարհների ու դրանց մասերը կազմող գավառների իբրև վարչական միավորների,

ձևավորման պատճառներին, ժամանակին ու այլ հանգամանքներին՝ հաճախ հաջողությամբ վիճարկելով հայագիտության մեջ արմատացած այս կամ այն տեսակետը և կատարելով նոր, արդարացիված ճշտումներ ու սրբագրումներ: Դրա վառ օրինակներից է Տավրուբերանի անվան և իբրև վարչաքաղաքական միավորի ձևավորման խնդրի հետ կապված հարցերի քննությունը: Հեղինակը ապացուցել է, որ Մեծ Հայքի աշխարհներն իբրև վարչաքաղաքական միավորներ ծնունդ են առել I դ. երկրորդ կեսին՝ Տրդատ I-ի օրոք, երբ սլարթե կուլուրների մի ճյուղը հաստատվեց Հայոց դահին: Նա նաև ապացուցել է, որ Տրդատ I-ի վարչական վերակառուցումների շնորհիվ ձևավորված այդ վարչական բաժանումն արտացոլվել է Պտղոմեոսի «Աշխարհագրություն» մեջ և Ազանթանդեղոսի «Պատմությունում» ըստ այդ երկրի հեղինակների ապրած ժամանակների կացությունը: Եզրակացրել է, որ «Աշխարհացոյց»-ը հիմնականում ներկայացնում է III դ. կեսերի Մեծ Հայքի վարչական բաժանումը, որին ավելացվել են V դ. երկրորդ կեսի որոշ վարչական իրողություններ: Դրա ապացույցներից է Տոսպի և Մարդպետականի տարածքների ընկալումն իբրև 428թ. հետո ձևավորված Վասպուրական աշխարհ:

Գրախոսվող աշխատության մեջ հաջողությամբ և խորությամբ բացահայտվել է երկրի ավատականացման, ինչպես նաև քաղաքական իրադարձությունների ու արտաքին գործոնների ազդեցությունը Մեծ Հայքի վարչական համակարգի փոփոխությունների վրա: Դրա վառ օրինակն են VI դ. վերջին – VII դ. սկզբին Մավրիկիոս կայսեր վարչական փոփոխություններն Արևմտյան Հայաստանում: Միառժամանակ, ի տարբերություն այլ հեղինակների, Բ. Հարությունյանը Մոփսի օրինակով ցույց է տվել, որ «Աշխարհացոյց»-ի հիմքում ընկած են ոչ թե Մավրիկիոսի վարչական վերափոխությունները, այլ՝ Մեծ Հայքի հին վարչական բաժանումը: Բացի այդ, Բ. Հարությունյանը համոզիչ ցույց է տվել, որ ըստ աշխարհների երկրի վարչական բաժանման համակարգն ավատատիրական հարաբերությունների խորացման և ապա հաղթա-

նակի հետևանքով աստիճանաբար իր տեղը սիջում է վարչական նոր համակարգին, որի հիմքում ընկած էր ավատատիրական տիրույթը: Նա ասպացուցել է, որ սոցիալ-տնտեսական և քաղաքական պարզացման ընթացքում ներքին և արտաքին հանգամանքների պատճառով քայքայվում էր ոչ միայն ըստ աշխարհների վարչական բաժանման համակարգը, այլև տեղի էր ունենում գավառների ապախոչորացում և ի հայտ էին գալիս նոր գավառներ ու վարչական միավորներ: Իսկ երբ Հայաստանը Հայտնվեց արարական տիրապետության տակ, արարները հիմնովին փոխեցին նրա վարչական բաժանումների համակարգը և ըստ աշխարհների վարչական բաժանումը գործնականում վերացավ: Հիմնախնդրի քննության ժամանակ հեղինակը տարբեր առիթներով անդրադարձել է որոշ հայ նախարարական տների սլատմության մի շարք կարևոր դրվագներին կատարելով ուշագրավ եզրահանգումներ ու ճշգրտումներ և առաջ քաշելով համոզիչ վարկածներ հայոց պատմության մեջ նրանց խաղացած դերի, տիրույթների տեղադրության ու դրանց սահմանների որոշակիացման հարցերում: Այս առումով խիստ ուշագրավ է Արշամունիների տոհմի պատմական ասպարեզից հեռանալու շուրջ Բ. Հարությունյանի առաջադրած վարկածը: Բացի այդ, նա քննել է գործակալությունների ինստիտուտի հետ կապված առանձին խնդիրներ՝ հանգելով միանգամայն նոր եզրակացությունների:

Հետազոտության ընթացքում Բ. Հարությունյանը կատարել է աշխարհագրական, պատմագիտական, լեզվագիտական ու բանասիրական արդարացված բազմաթիվ սեղագրական, ժամանակագրական, բնագորակական ու այլ բնույթի ուշագրավ ճշտում-սրբադրումներ, առաջ քաշել հետաքրքիր վարկած-ենթադրություններ: Խիստ արժեքավոր է հեղինակի սրամիտ կռահում-եզրահանգումը Մեծ Հայքի թագավորության III դ. վերջերի քաղաքական անցքերի և անդրադրության հինգ երկրամասերի՝ Անգեղտան, Ծոփքի, Աղձնիքի, Կորդուքի ու Ծավղեքի այդ ժամանակվա վարչաքաղաքական իրավիճակի և պատկանելության վերաբերյալ: Նա նաև իր ա-

վանդն է բերել որոշ սկզբնաղբյուրների մի շարք հատվածների քննական բնագրերի վերականգնման խիստ շնորհակալ գործում: Գրախոսվող աշխատության հեղինակը ուսումնասիրության ընթացքում այս կամ այն տեղանվան վայրը որոշելիս, իբրև կանոն, պատմական անդրադարձումներ է կատարում և սկզբնաղբյուրներում տվյալ տեղանվանը վերաբերող տեղեկությունները սպառնալից օգտագործելով, շատ դեպքերում ճշտում է նկարագրվող պատմական դեպքերի ժամանակագրությունն ու ընթացքը: Բ. Հարությունյանի առաջարկած տեղագրական ճշգրտումներից հատկապես նշելի են երկուսը: Դրանցից առաջինը Տիրանակերտի տեղադրությունն է: Բ. Հարությունյանը նախ հիմնավոր մերժել է Նփրկերտ-Մարկին-Սիլվանի հետ հայոց նշանավոր մայրաքաղաքի նույնացումը, ինչը մինչև այսօր էլ համառոտ շրջանավում է Հայագիտության մեջ: Ապա նա ասպացուցել է, որ պատմական Նիկեփորիոսն այժմյան Խարզան գետն է, որի աջ ափին բարձրացող լեռնակի շրջակայքում պետք է փնտրել Տիրանակերտը: Առաջարկված երկրորդ կարևոր տեղադրությունը վերաբերում է մ.թ.ա. VI դ. Հայաստանի վարչական բաժանմանը: Հիմնովին մերժելով Հայագիտության մեջ տիրապետող տեսակետը Բ. Հարությունյանը ասպացուցել է, որ Աքեմենյան XVII սատրապությունն ընդգրկել է ոչ թե Արևելյան Հայաստանը, այլ՝ նրանից Հյուսիս ընկած շրջանները:

Հիմնահարցի համապարփակ քննության մեջ թվագրված գրախոսվող աշխատության մեջ զգալի ուշագրություն է դարձվել ինչպես Հայագոյացման ոլորտ ներգրավված մի շարք ցեղերի, այնպես էլ Հայկական ցեղերի հարևանության մասին պարզորոշ որոշող Հայկական ցեղերի պատմությանը և ժամանակի հայոց պատմության մեջ դրանց խաղացած դերին:

Հեղինակի ուսումնասիրության արդյունքներն ամփոփվել են նրա իսկ կազմած և գրքին կցված պատմաաշխարհագրական մանրակրկիտ քարտեզում:

Այսպիսով, գրախոսվող աշխատության գիտական արժեքն անուրանալի է: Հեղինակը մեծ հաջողությամբ է կատարել իր առջև

դրված խնդիրը, էսսեյս լրացնելով Մեծ Հայքի թագավորության վաղ ավատատիրական շրջանի վարչաքաղաքական բաժանման համակարգի քննության հետ կապված շատ բացեր: Դրա հետ մեկտեղ, Բ. Հարությունյանի գիտական սրբանշանները արգասիքը նաև քաղաքական կարևոր արժեք ունի, քանի որ սլատմության թուրք-ադրբեջանական և վրացական կեղծարարները հետապնդելով հեռու գնացող քաղաքական նստատեղիներ՝ բոլոր միջոցներով համառորեն խնդաթյուրում են հայոց պատմութ-

յունը մերժելով հայկական հին պետականության անգամ գոյությունը: Հետևաբար, լավ կլինի, եթե հեղինակը հնարավորինս շուտ ընթերցողի սեղանին դնի աշխատության նաև Բ մասը, որը նվիրված է լինելու Մեծ Հայքի մնացած յոթ աշխարհների համապատասխան քննությանը: Չիշտ կլինի, եթե նրանում հեղինակը հնարավորինս խուսափի նկատվող որոշ թեկուզև պարտագրված, կրկնություններից, որոնք առկա են աշխատության գրախոսվող մասում:

ՍԻՄՈՆ ԿՐԿՅԱՇԱՐՅԱՆ
ԱՐՏԱՇԵՍ ՇԱՀՆԱԶԱՐՅԱՆ